

# Baamle ko Rejmour



## Abnōnō ko

Kim aikuj kapidodolok abañ ko baamle ko rej iooni. Jibañ armij in Oregon ilo aoleben mour ko aer ej juon men eo aurok ñan baamle ko rejmour. Jen wāween lale ribōro im kūrae ko ikijen manit ñan burokram ko rej lale ajiri, ñan jermal in jibañ ko ñan bōbrae ajiri im rūtto, jibañ lillab im lollab ro ebōk Medicare. Jermal in jibañ ko rejimwe ñan an armij bed iturin ro jet raurok ñan an baamle ko tōbrak.

Ilo an Oregon kōmmāne juon kōtōbar eo elab in lelok jibañ in ejmour, eloñ armij ibelakin state eo rej woñmaanlok aer ioone abañ ko ilo aer ebōk jibañ ko ikijen bōbrae. HTO ej kajeoñ in kōkmanmanlok an armij maron ebōk jibañ in bōbrae ikijen ejmour bwe ej juon kein jermal eo ekajur ñan kadiklok uwōta in nañinmij, utamwe, im mij im bareinwōt kadiklok uwōta ko eloñ armij ro ilo jukjukinbed ko ad rej woñmaanlok in iooni.

## Wāween ko ñan Kajimwe

Bebe ko ñan jibañ baamle ko kin lale ajiri ak rūtto, nejnej im maron bōk jibañ in bōbrae ko ekoba:

- Lolorjak an baamle ko maron bōk mennin jibañ ko ikijen lale ajiri im lale ro uwaan baamle emmon wonneir, elab aer emmon joñaer im rekkar ñan manit im kajin

- Kōlablok lelok wāween kakajur baamle kin katak in kaminene im mennin jibañ ko jet
- Lolorjak aer maron bōk jibañ in kōmadmōd ko rekkar ñan manit iijen bōro im kūrae ñan armij ro edik kolla ko aer im ejellok aer peba in bed aelon in

Kōtōbar ko an Healthier Together Oregon (HTO) ej kōmman bwe en wōr jibañ ñan kajojo armij ilo aoleben joñan mour ko aer. Lale aikuj ko an jinen im jemen im baamle ko mokta im alikin an lotak juon niñniñ ej lolorjak jemlok ko remmontata ñan aoleben baamle eo. Maron bōk kōmadmōdin jibañ ko ilo imōn jokwe emmon joñaer im ekkar ñan manit im buokraam ko rej lale ajiri im rej jibañ lelok katak ñan jodikdik ro ilo juon ien aurok ilo mour eo aer.

HTO ej jibañ bebe ko rej lale lomnak ko an armij ilo ien aer bed iturin ro jet im aikuj ko ikijen aer maron riit melele in ejmour kin katak in kaminene ko rekkar ñan manit im maron bōk jibañ ko raurok ñan baamle.

HTO ej bukōt wāween ko ñan kōlablok jermal in jibañ ko ikijen bōbrae jen nañinmij ñan lolorjak baamle ko rej bōke jibañ im kajinet eo rej aikuj, ilo ien aer aikuj.

Jibañ kein rej kōlablok an baamle maron ioon im mour jen abañ ko ilo mour im kōlablok aer kajur.




# HTO: Juon Bebe in Kōmmene Juon Oregon eo Emmonlok

Ejmour Ibben Doon (Healthier Together Oregon, HTO) ej juon kein jermal eo ekajur ñan kōkmanmanlok an ejellok kalijeklok ñan aoleb armij in Oregon. Einwōt an kar COVID-19 lukkun kalikar, ejab joñan wōt juon an aoleb armij maron mour ilo aer jab nañinmij. Armij ro rejab mouj kilier, armij ro edik kolla ko aer, armij ro rej kalikar rej LGBTQ+, rilikin ro emōj aer emakūt ñan aelon eo im ro emōj aer jool jen aelon ko aer, armij ro ewōr aer utamwe im ro rej jokwe ilo jikin ko rettolok ilo state eo rej ioone abañ ko ebwe aer elab kin kalijeklok ko ilo jikin ko armij rej bed im mennin aikuj ko emōj likūt im rej jelōt ejmour ko an armij.

Kinke ejmour im ainemmon ko an armij rej ekkar ñan eloñ men ko, HTO ej kalikar eloñ bebe ko roktak, im ilo ien aer lale im kōjejjēt kūtien ibben doon, remaron kōkmanmanlok mour ko an aoleb ro rej jokwe ijin.

HTO ear jutak ñan kōjellā kin Bebe in Kōkmanmanlok Ejmour ko an Armij ro ilo Jukjukinbed im bareinwōt

aurok, burokraam, im joortoklik ko an opij im doulul ko. Ej kabok eloñ jikin ko roktak im rej jermal ibbeir jen jikin ko roktak im rej bar tiljek kin kōtōbar kein raurok. Jikin kein ekoba jibañ in ejmour, ritel ro rej kelet, jikin jermal ro, armij ro rej lelok jibañ, ial in ito tak, kōjermal bwidej im bebe, jikin ejmour ko an state, bwij, im jukjukinbed, jimwe kin ruprup kakien im kabin kakien, doulul ko rej bed ilo jukjukinbed, doulul ko an kabuñ, ro rej lelok jermal in jibañ ikijen imōn jokwe im ñan armij im jelālokjen.



## Jermal Ibbamim

Kim ej kajeoñ in kobalok ibben ro jet rej tiljek in kōkmanmanlok an ejellok kalijeklok kin ejmour ilo Oregon. Ñan melele ko relablok ak ñan kebaak kim:



### WEBSITE

[healthiertogetheroregon.org](http://healthiertogetheroregon.org)



### EMAIL

[publichealth.policy@state.or.us](mailto:publichealth.policy@state.or.us)



### KOBATŌK ILO AM JUON JIKIN EO JENAJ JERMAL IBBEN DOON

[healthiertogetheroregon.org/potential-partner](http://healthiertogetheroregon.org/potential-partner)



### YOUTUBE

[bit.ly/3jvkuAE](https://bit.ly/3jvkuAE)



**Healthier Together Oregon**

[healthiertogetheroregon.org](http://healthiertogetheroregon.org)

Juon kōtōbar an Oregon Health Authority